

〔迎陽記〕應永十四年三月廿三日丁丑今日北山院○後小松准母藤原康子御入內也、舊年十二月廿七日爲御准母儀、令蒙准三宮宣給、上卿新大納言資藤卿仰大內記長賴令作勅書、奉行五位藏人宣資也、宣下以後、長賴持參勅書、有恩祿砂金、年官年爵事、被仰大外記師胤朝臣、封戶事、被仰四位史大枝宿禰共成、宣旨持參、賜祿云々、勅書草、

勅、易彰牝馬之貞、載坤卦詩、揚鵲鳩之德、歌國風若稽、舊章咸爲令典、從二位藤原朝臣某者、朕之准母也、柔順表質、嘉淑有詞、降紫詔兮、既加二品之崇、班託彫管兮、今准三宮之貴寵、宜授邑土五百戶、并年爵內外官三分、主者施行、

應永十三年十二月廿七日○中略

恭惟、准后尊君○足利義滿者、四海之儀形、一人之股肱、萬機之政、一統而治、寰中莫不馨懼、域外咸以歸服、淳樸之風、再復、清平之世、久全、九十餘年、御入內之嚴儀、絕而无其例、二十六年、御在位之明世、興而有斯事、朝廷之嘉模、國家之遺美、每各矣、勸陳力就列、輕車靈激、驍騎龍終、便旋閭閻、盈溢街衢、凡棧數輪、輿數十町、鼓操男女、幾千萬、集而成市、匝而如垣、禁中更無成恐、見物之女、堂上皆有競媚、取榮之人、綺羅紛々、文繡粲々、其美被撰、唯愛所下、

國母女院者、長岡之右、相數代之餘裔、開府儀同三司之賢女、久備嘉偶、飽存貞心、譬猶大妣之德、和於內、文王之政、明於外、母堂浴三品之加級、親族施一家之昌榮、乾坤成其德、以揚名、佛神與所運、而遭寵、詩曰、淑人君子、其儀不忒、之謂也、千秋偕老之盟、無窮、一天仰瞻之望、益久者也、日野大納言殿無一事之違亂、有大儀之奉行、世皆感悅、人以稱歎、秀長○菅原忝蒙鈞命、聊記毫端、雖恐僭踰、謹以奉進而已、

〔尊卑分脈藤原〕真夏○中略資康——女子院太政大臣義滿公室、准后、從二、康子、北山院、後小松

〔扶桑略記二十九後冷泉〕永承六年六月廿四日、右大臣藤原朝臣教通三女、女御歡子、准三宮、賜年官年爵、封戶一千戶、一云七月十日、准三宮云々、

後宮